



DET KONGELEGE  
FORSVARSDPARTEMENT

# St.prp. nr. 22

(2007–2008)

## Om endringar i statsbudsjettet for 2007 under Forsvarsdepartementet

*Tilråding frå Forsvarsdepartementet av 16. november 2007,  
godkjend i statsråd same dagen.  
(Regjeringa Stoltenberg II)*

### 1 Formål og hovudoversikt

#### 1.1 Formål

I denne proposisjonen legg regjeringa fram forslag om visse endringar i løyvingar i forsvarsbudsjettet for 2007. Siktemålet er å skape best mogeleg samsvare mellom løyvingane under dei einskilde kapitla og postane, og endringar i budsjettføresetnadene som har skjedd sidan forsvarsbudsjettet for 2007 vart utarbeidd. Regjeringa er oppteken av å redusere omfanget av omgrupperingane på slutten av året, og denne proposisjonen er difor av vesentleg mindre omfang enn tidlegare år.

På grunn av den komplekse samansetjinga av kapitla, med svært variable storleikar, er omgrupperingsproposisjonen eit naudsynt verktøy for å sikre god økonomistyring i forsvarssektoren. Tiltak for å møte endringar i føresetnadene som oppstår i gjennomføringsåret, kan såleis verte hand-sama samla og formalisert på rette måte.

Omgrupperingsproposisjonen tek mellom anna føre seg tilleggsloyvinga til Noreg sitt bidrag til ein felles FN-/AU-operasjon (UNAMID) i Darfur/Sudan og viktige tekniske endringar, til dømes overføring av budsjettansvar for Regional støttefunksjon (RSF), base Bergen, frå Forsvarets logistikkorganisasjon (FLO) til Sjøforsvaret. Vidare vert det foreslått ei styrking av budsjettet til Forsvarets logistikkorganisasjon for å dekkje

høgare kostnader enn budsjettet i den løyvingfinansierte delen av FLO, mot ei tilsvarende samla reduksjon på andre budsjettkapittel. I tillegg tek omgrupperingsproposisjonen for 2007 vare på formaliseringa av lønnskompensasjonen for 2007 og formalisering av meirinntekter. Totalt utgjør omgrupperingane ein auke i løyvinga til Forsvarsdepartementet på 353,5 mill. kroner. I tillegg foreslår regjeringa å avskrive ein differanse i Forsvarets rekneskap. Regjeringa legg vidare fram eit forslag om innkjøp av nye lettvektstorpedoar, samt å auke enkelte bestillingsfullmakter.

#### 1.2 Tilleggsloyvingar

FNs tryggingråds resolusjon nr. 1769 autoriserte 31. juli 2007 opprettinga av fredsoperasjonen UNAMID i Darfur i Sudan saman med Den afrikanske unionen (AU). UNAMID skal overvake etterlevinga av fredsavtalen for Darfur og verne sivilbefolkninga mot overgrep. Regjeringa har vedteke at Noreg, saman med Sverige, skal starte arbeidet med å setje opp ei ingeniørvdeling på om lag 400 personell (261 nordmenn) til UNAMID. Avdelinga vert planlagt innsett tidleg i 2008 med verketid på tolv månader.

Meirkostnadene for bidraget er både personellrelaterte og knytte til materiell, vedlikehald, deployering og kjøp av varer og tenester etc. Totalt

er det no rekna ut at bidraget vil ha ein meirkostnad på 184 mill. kroner i 2007.

Det er ei rekkje usikre faktorar knytte til budsjetteringa av fredsoperasjonen UNAMID i Darfur, mellom anna er ikkje tidspunkt og operasjonsstad for deployeringa endeleg vedteke av FN/AU.

I denne proposisjonen vert det fremja forslag om tilleggsløyving på 184 mill. kroner for 2007.

### 1.3 Differanse i Forsvarets rekneskap

Riksrevisjonen peika på, i samband med gjennomgangen av Forsvarets rekneskap for 2004, at det var avdekt eit avvik i inngåande balanse for 2004 som det ikkje var gjort greie for, og at mellomverande med statskassen difor ikkje var korrekt. I samband med omlegginga til nytt lønns- og rekneskapssystem i Forsvarets militære organisasjon, vart det difor gjort ei avstemming av rekneskapen i 2004. Det vart fastsett ein ny inngåande teknisk balanse for 2004 på 71,6 mill. kroner. Utgåande balanse i statsrekneskapen for 2003 var på 280,2 mill. kroner. Det oppstod difor ein differanse på 208,6 mill. kroner, som Forsvaret teknisk sett skuldar statskassen.

I samband med dette syner ein til Innst. S. nr. 240 (2004–2005), St.prp. nr. 65 (2004–2005) *Tilleggsbevilgninger og omprioriteringer i statsbudsjettet medregnet folketrygden for 2005*. Stortinget gav fullmakt til at Forsvarets mellomverande med statskassen (gjeld til statskassen) vart avskriven med 208,6 mill. kroner mot forskyving i balansen.

Den aktuelle posteringa i statsrekneskapen er ikkje gjort, og det er seinare avdekt at differansen som på dette tidspunkt vart rekna ut, er feilaktig. Det korrekte uidentifiserte rekneskapstekniske avviket er på 351,8 mill. kroner. Feilen gjeld ein for-teiknsfeil som vist under.

	(i kroner)	
	Feilaktig	Korrekt
UB 2003	280 206 482,00	280 206 482,00
IB 2004	71 580 792,93	-71 580 792,93
Differanse	208 625 689,07	351 787 274,93

Forsvaret har hausten 2007 gjennomgått inngåande behaldning for 2004. Gjennomgangen har medført at det uidentifiserte rekneskapstekniske avviket er redusert til 346 mill. kroner.

Forsvarets militære organisasjon gjorde, i samband med overgangen til nytt rekneskapssystem, eit grundig arbeid med å identifisere og fastsetje

ny inngåande balanse for 2004. Mange tiltak vart gjennomført for å oppklare avviket, og rekneskapen vert no månadleg avstemt for å hindre tilsvarande differansar i framtida.

I samband med Riksrevisjonens revisjon av årsoppgjeret for 2006, vart det avdekt endå fleire rekneskapstekniske avvik i Forsvarets rekneskap. Avviket er dokumenterbart og utgjer totalt 16,9 mill. kroner. Avviket skuldast at ein har brukt rekneskapsprinsipp som har medført feil inntektsføring av ubetalte inntektskrav. Av dette gjeld 3,7 mill. kroner forhold for 2004, medan 13,2 mill. kroner gjeld avvik som har oppstått i det nye rekneskapssystemet knytte til rutinar for rekneskapsføring av refusjonar. Rutinane på dette området er no endra.

På denne bakgrunnen foreslår regjeringa at Forsvarets mellomverande med statskassen vert avskriven med 363 mill. kroner mot konto for forskyving i balansen. Forsvarets mellomverande med statskassen kjem med dette i samsvar med inngåande balanse 2007 for Forsvarets militære organisasjon, jf. romartalsvedtak.

### 1.4 Prosjekt – 6401 Erstatning av Sting Ray Mod 0

Forsvarsdepartementet legg i denne proposisjonen fram eit forslag om innkjøp av nye lettvektstorpedoar. Forsvaret har i dag *Sting Ray*-torpedoar som sitt hovudvåpen mot ubåtar. Desse er i ferd med å no sin tekniske levealder. Regjeringa fremjar difor eit prosjekt for Stortinget der *Sting Ray*-torpedoane anten vert oppgraderte eller vert erstatta av ein annan type lettvektstorpedo.

Dette skal bidra til at Forsvaret framleis kan oppretthalde evna til å kunne kjempe mot framande ubåtar. Torpedoane skal nyttast av Fridtjof Nansen-klasse fregattar med NH-90 helikopter og maritime patruljefly, P-3C Orion.

Vedlikehald og lagring av dei eksisterande torpedoane vert gjort i Storbritannia, basert på ein bilateral avtale frå 1990. Storbritannia har alt vedtatt å oppgradere sine torpedoar slik at dagens støtteordning vil opphøyre i 2010. Uavhengig av om Noreg vedtek å oppgradere dagens torpedoar, eller erstatte dei med ein annan type, vil ein søkje å få til tilsvarande logistikkstøtte for dei nye torpedoane. Det er sett i verk arbeid med å utarbeide intensjonsavtalar med aktuelle nasjonar.

Det vert fremja forslag om å opprette eit prosjekt for å oppgradere eller erstatte dagens lettvektstorpedoar. Framskaffingsløyving er utarbeidd, og ho har vore gjennom ei ekstern kvalitets-sikring. Dette kvalitetssikringsarbeidet har

konkludert med at grunnlagsdatakvaliteten er god nok til å fastsette dei økonomiske rammene for prosjektet. Prosjektet har liten grad av usikkerheit, og usikkerheita er først og fremst knytt til integrering av torpedoane på fregattane, helikoptra og Orion-flya.

Prosjektet vert fremja med ei kostnadsramme på 1 647 mill. kroner på kapittel 1760, post 45. I tillegg kjem 20 mill. kroner i gjennomføringskostnader over kapittel 1760, post 01. Prosjektet er plan-

lagt starta opp i 2008 og er planlagt terminert i 2013.

## 1.5 Grunnlaget for omgrupperinga

### 1.5.1 Økonomisk grunnlag

Grunnlaget for omgrupperinga er vedtatt budsjett for 2007, dei seinare endringane gjort av Stortinget, og midlar ført over frå 2006. Det er òg tatt omsyn til forsvarssektoren sin del av lønnskompensasjonen for 2007 (225 mill. kroner).

Tabell 1.1 Faktisk løyving på utgiftssida, før omgruppering 2007, kjem fram slik (i 1 000 kroner):

Vedtatt budsjett 2007	30 988 929
St.prp. nr. 69 (2006–2007) <i>Tilleggsbevilgninger og omprioriteringer i statsbudsjettet medregnet folketrygden 2007</i> (RNB), jf. Innst. S. nr. 230 (2006–2007)	219 000
St.prp. nr. 85 (2006–2007) <i>Om endringer i «Regulativ for tillegg o.a. til utskrivne vernepliktige mannskap»</i> («soldatproposisjonen»), jf. Innst. S. nr. 283 (2006–2007)	10 573
Lønnsregulering for arbeidstakarar i det statlege tariffområdet	225 037
= Faktisk løyving før omgruppering	31 443 539
+ Midlar ført over frå 2006	2 481 791
= Disponible midlar i 2007 før omgrupperinga	33 925 330

Tabell 1.2 Disponibel løyving på inntektssida, før omgruppering 2007, kjem fram slik (i 1 000 kroner):

Vedtatt budsjett 2007	988 390
St.prp. nr. 69 (2006–2007) <i>Tilleggsbevilgninger og omprioriteringer i statsbudsjettet medregnet folketrygden 2007</i> (RNB), jf. Innst. S. nr. 230 (2006–2007).	29 000
= Løyvingar før omgruppering	1 017 390

### 1.5.2 Inntekter i 2007

I høve til vedtatt budsjett for 2007 er det ei netto meirinntekt (brutto meirinntekter minus mindreinntekter) på 169,5 mill. kroner som er foreslått

lagt til utgiftssida. Det vert i denne samanhengen vist til Forsvarsdepartementet sin meirinntektsfullmakt i St.prp. nr. 1 (2006–2007) under romartalsvedtak II.

Tabell 1.3 Løyvingsbehov på utgiftssida i samband med omgrupperingsproposisjonen vert slik (i 1 000 kroner):

Auke på utgiftssida grunna meirinntekter førde til utgiftssida	169 509
+ Tilleggsloyvingar	184 000
= Sum behov ved omgrupperinga	353 509
+ Løyvingar før omgrupperinga	31 443 539
= Samla løyvingar etter omgrupperinga	31 797 048
+ Midlar ført over frå 2006	2 481 791
= Samla disponible midlar i 2007 etter omgrupperinga	34 278 839

Tabell 1.4 Løyvingsbehov på inntektssida i samband med omgrupperingsproposisjonen vert slik (i 1 000 kroner):

Løyvingar før omgrupperinga	1 017 390
Meirinntekter	169 509
= Løyvingar etter omgrupperinga	1 186 899

Regjeringa foreslår på denne bakgrunn, under forslag til vedtak, at utgiftsramma vert auka med 353,5 mill. kroner og at inntektsramma vert auka med 169,5 mill. kroner.

### 1.5.3 Utgifter

Tala i tabellane nedanfor syner netto endringar på dei ulike postane. Utgiftstabellen er inklusiv fordeling av meirinntekter.

Tabell 1.5 Utgiftsposter

(i 1 000 kroner)		
Post	Formål	Mindreutg./ Meirutg.+
01	Driftsutgifter	493 730
21	Spesielle driftsutgifter	-20 000
43	Til disposisjon for Forsvarsdepartementet	-10 221
45	Store nyskaffingar	56 000
48	Fellesfinansierte byggje- og anleggsarbeid, felles- finansiert del	-150 000
50	Overføringar Statens pensjonskasse	-13 000
70	Renter låneordning	-3 000
Sum		353 509

### 1.5.4 Inntekter

Tabell 1.6 Inntektsposter

(i 1 000 kroner)		
Post	Formål	Mindreinnt. -/ Meirinnt.+
01	Driftsinntekter	243 509
47	Sal av eigedom	76 000
48	Fellesfinansierte byggje- og anleggsinntekter	-150 000
Sum		169 509

## 2 Hovudtrekk ved dei største utgifts- og inntektsendringane på postnivå

### 2.1 Utgifter

Den totale utgiftsramma er auka med 353,509 mill. kroner. Driftsbudsjettet er totalt foreslått auka med 447,509 mill. kroner, medan investeringsbudsjettet er foreslått redusert med 94 mill. kroner.

Nedanfor er dei største og viktigaste endringane forklart på post- og kapittelnivå.

#### Post 01 Driftsutgifter

Post 01 er foreslått auka med totalt 493,730 mill. kroner.

Posten er foreslått tilført 319,509 mill. kroner i meirinntekter, i hovudsak frå kap. 4710 Forsvarsbygg, kap. 4733 Luftforsvaret og kap. 4740 Forsvarets logistikkorganisasjon. Posten er tilført 128 mill. kroner i samband med norsk bidrag til fredsoperasjonen UNAMID i Darfur. Det er foreslått å omdisponere 13 mill. kroner frå post 50 overføringar Statens pensjonskasse og 3 mill. kroner frå post 70 Renter låneordning i samband med naudsynt styrking av øvinga Cold Response 2007. Det er foreslått å omdisponere 10,221 mill. kroner frå post 43 Til disposisjon for Forsvarsdepartementet, samt 20 mill. kroner frå post 21 Spesielle driftsutgifter, for å finansiere ymse meirbehov på post 01 (spesifisert nedanfor).

Elles er det gjort omdisponeringar mellom kapittel/postar basert på analysar og vurderingar, inkludert prognosar.

#### Kap. 1700 Forsvarsdepartementet

Kapitlet er foreslått redusert med 3 mill. kroner. Reduksjonen skuldast forventta mindreforbruk, og er såleis foreslått omdisponert for å dekkje ymse meirbehov på andre kapittel og postar.

### **Kap. 1719 Fellesutgifter og tilskott til foretak under Forsvarsdepartementet**

Kapitlet er foreslått redusert med 23,1 mill. kroner. Reduksjonen skuldast forventa mindreforbuk m.a. i samband med løyving til Forsvarsbygg og støtte til arbeidet med sikkerheitsreform på Balkan og i Aust-Europa, og er såleis foreslått omdisponert for å dekkje ymse meirbehov på andre kapittel og postar.

### **Kap. 1720 Felles leiings- og kommandoapparat**

Kapitlet er samla sett foreslått redusert med 42,9 mill. kroner.

Reduksjonen skuldast omdisponeringar grunna finansiering av meirbehov ved Forsvarets sanitet og Forsvarets kompetansesenter for kommando, kontroll- og informasjonssystem i samband med pågåande internasjonale operasjonar og beredskapsoppdrag (57,9 mill. kroner). Vidare vert det foreslått ei teknisk omdisponering av 12,8 mill. kroner til kap. 1740 Forsvarets logistikkorganisasjon grunna overføring av budsjettansvar for eigedom, bygg og anlegg relatert til Alliert Treningssenter Nord. Det er foreslått ei aktivitetsreduksjon på kapitlet tilsvarende 5 mill. kroner for styrking av den løyvingfinansierte delen av kap. 1740 Forsvarets logistikkorganisasjon. Budsjettansvar vedrørende grunnutdanning av lærlingar i Forsvaret er overført til kap. 1734 Heimevernet (1,7 mill. kroner). I tillegg vert det foreslått tekniske justeringar mot andre kapittel som gir ein reduksjon på 2,6 mill. kroner.

Kapitlet vert foreslått tilført midlar i samband med naudsynt auke av øvinga *Cold Response 2007* m.a. grunna norsk deltaking i NRF 8-beredskap våren 2007 (17,8 mill. kroner), og ved ei teknisk korrigering av tidlegare fordelt gevinstrealisering på dei ulike kundekapitla relatert til horisontal samhandel (19,3 mill. kroner).

### **Kap. 1723 Nasjonal sikkerheitsmyndighet**

Kapitlet er samla sett foreslått auka med 2,9 mill. kroner.

Kapitlet vert foreslått tilført 2,7 mill. kroner grunna meirinntekt. Denne endringa er av teknisk karakter, og skuldast næringslivets tilskott til drift av NorCERT. Meirinntekta har ei tilsvarende ikkje-budsjettert utgiftsside i 2007. Vidare er kapitlet tilført 0,2 mill. kroner i samband med ei teknisk overføring av budsjettansvar for eigedom, bygg og

anlegg frå Forsvarets logistikkorganisasjon til Nasjonal sikkerheitsmyndighet.

### **Kap. 1725 Fellesinstitusjonar og utgifter under Forsvarsstaben**

Kapitlet er samla sett foreslått auka med 63,4 mill. kroner.

Kapitlet er tilført midlar frå ulike kapittel grunna finansiering av meirbehov ved Forsvarets sanitet og Forsvarets kompetansesenter for kommando, kontroll- og informasjonssystem i samband med pågåande internasjonale operasjonar og beredskapsoppdrag (*EU-battle group*) (82,9 mill. kroner). Det er foreslått ei teknisk omdisponering av totalt 7,7 mill. kroner frå ulike kapittel grunna felles befalskoleopptak og seleksjon på vegne av dei andre styrkeprodusentane i Forsvaret. Det er foreslått ei omdisponering frå kap.1732 Sjøforsvaret i samband med overføring av budsjettansvar for EBA-relaterte utgifter ved Vardøhus festning (1,4 mill. kroner). Vidare er kapitlet auka med 1 mill. kroner grunna ei teknisk overføring av budsjettansvaret for språkopplæringa i samband med operasjonar i utlandet frå kap. 1792, samt tekniske justeringar frå andre kapittel, som samla gir ein auke på 2,8 mill. kroner.

Kapitlet vert foreslått redusert med 30,3 mill. kroner i samband med ei teknisk korrigering av tidlegare fordelt gevinstrealisering på dei ulike kundekapitla relatert til horisontal samhandel. Kapitlet er redusert med 2,1 mill. kroner grunna innføring av nytt finansieringsprinsipp i samband med overføring av budsjettansvar for Regional støt-tefunksjon (RSF), base Bergen, frå kap. 1740 Forsvarets logistikkorganisasjon til kap. 1732 Sjøforsvaret.

### **Kap. 1731 Hæren**

Kapitlet er samla sett foreslått redusert med 21 mill. kroner.

Kapitlet er foreslått redusert med 22,7 mill. kroner grunna ein aktivitetsreduksjon på kapitlet for styrking av den løyvingfinansierte delen av kap. 1740 Forsvarets logistikkorganisasjon. Det er foreslått ein reduksjon grunna ei teknisk overføring av budsjettansvar for befalskoleopptak og seleksjon til kap. 1725 (3 mill. kroner) samt teknisk overføring av budsjettansvar til kap. 1734 Heimevernet vedrørende grunnutdanning av lærlingar i Forsvaret (1,5 mill. kroner).

Kapitlet vert foreslått tilført 6,2 mill. kroner i samband med ei teknisk korrigering av tidlegare

fordelt gevinstrealisering relatert til horisontal samhandel.

### **Kap. 1732 Sjøforsvaret**

Kapitlet er samla sett foreslått auka med 25,5 mill. kroner.

Kapitlet er tilført midlar i samband med overføring av budsjettansvar for Regional støttefunksjon (RSF), base Bergen, frå Forsvarets logistikkorganisasjon (113,1 mill. kroner). Vidare er kapitlet tilført 5,2 mill. kroner frå andre kapittel grunna innføring av nytt finansieringsprinsipp som følgje av denne overføringa av budsjettansvar.

Kapitlet er foreslått redusert med 48 mill. kroner i samband med ompostering av investeringsaktivitetar frå driftsbudsjettet til investeringsbudsjettet. Kapitlet vert foreslått redusert med 20,8 mill. kroner grunna aktivitetsreduksjon for å styrkje løyvingfinansiert del av kap. 1740 Forsvarets logistikkorganisasjon. Vidare skuldast reduksjonen finansiering av meirbehov ved Forsvarets sanitet og Forsvarets kompetansesenter for kommando, kontroll- og informasjonssystem på kap. 1725 i samband med pågåande internasjonale operasjonar og beredskapsoppdrag (15 mill. kroner), teknisk korrigering av tidlegare fordelt gevinstrealisering relatert til horisontal samhandel (5,2 mill. kroner), samt overføring av budsjettansvar for eigedom, bygg og anlegg relatert til Vardøhus festning til kap. 1725 (1,4 mill. kroner). I tillegg er det foreslått tekniske justeringar til andre kapittel, som samla gir ein netto reduksjon på 2,4 mill. kroner.

### **Kap. 1733 Luftforsvaret**

Kapitlet er samla sett foreslått redusert med 17,1 mill. kroner.

Kapitlet vert foreslått redusert med 23,3 mill. kroner grunna ein aktivitetsreduksjon på kapitlet for å styrkje den løyvingfinansierte delen av kap. 1740 Forsvarets logistikkorganisasjon. Vidare skuldast reduksjonen finansiering av meirbehov ved Forsvarets sanitet og Forsvarets kompetansesenter for kommando, kontroll- og informasjonssystem på kap. 1725 i samband med pågåande internasjonale operasjonar og beredskapsoppdrag (*EU-battle group*, 10 mill. kroner), teknisk overføring av budsjettansvar til kap.1734 Heimevernet vedrørande grunnutdanning av lærlingar i Forsvaret (1,4 mill. kroner) samt ei teknisk overføring av budsjettansvaret for befalskoleopptak og seleksjon til kap. 1725 (1,3 mill. kroner). Kapitlet er foreslått redusert i samband med naudsynt styrking av øvinga *Cold Response 2007* på kap. 1725 (1,8 mill.

kroner), naudsynt styrking av kap. 1791 Redningshelikoptertenesta (8,7 mill. kroner) samt teknisk overføring av budsjettansvaret for husleigeutgifter relatert til Regional støttefunksjon til kap.1740 Forsvarets logistikkorganisasjon (3 mill. kroner).

Kapitlet er foreslått tilført 15 mill. kroner i samband med ei teknisk korrigering av tidlegare fordelt gevinstrealisering relatert til horisontal samhandel samt ei teknisk omdisponering i samband med militærfagleg utdanning ved Luftforsvarets skolesenter (2,4 mill. kroner). I tillegg er kapitlet foreslått tilført 15 mill. kroner grunna meirinntekter. Denne endringa er av teknisk karakter og skuldast ikkje-budsjetterte utgifter som relaterer seg til ein samarbeidsavtale med Avinor AS i samband med drift av flyplassar.

### **Kap. 1734 Heimevernet**

Kapitlet er samla sett foreslått auka med 0,06 mill. kroner.

Kapitlet er foreslått tilført 4,9 mill. kroner i samband med ei teknisk overføring av budsjettansvaret frå andre kapittel vedrørande grunnutdanning av lærlingar i Forsvaret. Vidare er kapitlet foreslått tilført 3,8 mill. kroner i samband med ei teknisk korrigering av tidlegare fordelt gevinstrealisering relatert til horisontal samhandel.

Kapitlet er foreslått redusert med 5 mill. kroner grunna ei aktivitetsreduksjon på kapitlet for styrking av den løyvingfinansierte delen av kap. 1740 Forsvarets logistikkorganisasjon. Vidare er kapitlet redusert grunna ei teknisk overføring av budsjettansvaret for befalskoleopptak og seleksjon til kap. 1725 (1 mill. kroner) samt 2,7 mill. kroner grunna innføring av nytt finansieringsprinsipp i samband med overføring av budsjettansvaret for Regional støttefunksjon (RSF), base Bergen, frå kapitel 1740 Forsvarets logistikkorganisasjon til kap. 1732 Sjøforsvaret.

### **Kap. 1740 Forsvarets logistikkorganisasjon**

Kapitlet er samla sett foreslått auka med 306,1 mill. kroner.

Kapitlet er foreslått auka med 143,7 mill. kroner for å styrke den løyvingfinansierte delen. Vidare er kapitlet tilført 219,2 mill. kroner grunna meirinntekter. Dette er ei endring av teknisk karakter og skuldast mellom anna sal av drivstoff og materiell til allierte på øving i Noreg. Meirinntekta har i hovudsak ei tilsvarande ikkje-budsjetterte utgiftside i 2007. I tillegg er det foreslått ei teknisk omdisponering frå kap. 1720 i samband med overføring av budsjettansvaret for eigedom, bygg og

anlegg relatert til *Alliert Treningscenter Nord* (12,8 mill. kroner) samt ei teknisk omdisponering frå kap. 1733 Luftforsvaret vedrørende budsjettansvaret for husleigeutgifter relatert til Regional støttefunksjon (3,7 mill. kroner). Kapitlet vert foreslått tilført 44,5 mill. kroner i samband med balansering av drivstoffbeholdningane i Forsvaret grunna høgare forbruk enn forventa.

Kapitlet er foreslått redusert med 113,1 mill. kroner i samband med overføring av budsjettansvaret for Regional støttefunksjon (RSF), base Bergen, frå Forsvarets logistikkorganisasjon til kap. 1732 Sjøforsvaret. I tillegg er kapitlet foreslått redusert med 2,9 mill. kroner grunna teknisk korrigerings av tidlegare fordelt gevinstrealisering relatert til horisontal samhandel samt tekniske justeringar frå andre kapittel, som samla gir ein reduksjon på 1,8 mill. kroner.

#### **Kap. 1760 Nyskaffing av materiell og nye bygg og anlegg**

Kapitlet er foreslått redusert med 34 mill. kroner.

Reduksjonen gjeld omdisponering i samband med styrking av den løyvingfinansierte delen av kap. 1740 Forsvarets logistikkorganisasjon.

#### **Kap. 1790 Kystvakta**

Kapitlet er foreslått redusert med 0,9 mill. kroner som i hovudsak skuldast teknisk korrigerings av tidlegare fordelt gevinstrealisering relatert til horisontal samhandel.

#### **Kap. 1791 Redningshelikoptertenesta**

Kapitlet er foreslått auka med 85,5 mill. kroner som skuldast meirbehov i samband med etablering av auka tilstadevere og ikkje føresette auka kostnader ved vedlikehald og kjøp av reservedelar til Sea King-helikoptra.

#### **Kap. 1792 Norske styrkar i utlandet**

Kapitlet er foreslått auka med 151 mill. kroner.

Kapitlet er foreslått auka med 128 mill. kroner i samband med Noregs bidrag til FN-/AU-operasjonen i Darfur-provinsen i Sudan. Vidare er kapitlet tilført midlar grunna meirbehov for auka vakt og sikring i samband med flytting til ny PRT-leir i Meymaneh, samt permisjons- og rotasjonsordning for personell i UNIFIL II (31,5 mill. kroner).

Kapitlet vert foreslått redusert med 7,5 mill. kroner som skuldast teknisk korrigerings av tidle-

gare fordelt gevinstrealisering relatert til horisontal samhandel. Vidare er kapitlet redusert med 1 mill. kroner grunna ei teknisk overføring av budsjettansvaret for språkoppleringa i samband med operasjonar i utlandet til kap. 1725.

#### **Kap. 1795 Kulturelle og allmenntilgjenglege formål**

Kapitlet er foreslått auka med 1 mill. kroner i samband med auka vedlikehald av murane ved Akershus festning. Dette kommer i tillegg til eit større beløp som Forsvarsbygg har avsett til formålet.

#### *Post 21 Spesielle driftsutgifter*

Posten er foreslått redusert med 20 mill. kroner.

#### *Post 43 Til disposisjon for Forsvarsdepartementet*

Løyvinga representerer ein reserve for Forsvarsdepartementet. I 2007 er løyvinga nytta til å dekkje ymse meirbehov med totalt 9,8 mill. kroner, mellom anna økonomisk støtte til Ørland kommunale kulturhus som òg kjem Forsvaret sine tilsette til gode, krigsminnefartøyet KNM Hitra, økonomisk støtte til Den Norske Turistforeining i samband med overtaking av Snøheim, økonomisk støtte til å føre opp sæterstue og fjøs flytta frå Regionalfelt Austlandet til på Glomdalsmuseet, samt ei rekkje andre mindre kulturaktivitetar som totalt utgjer 0,2 mill. kroner. Posten er såleis foreslått redusert med 10,2 mill. kroner for å dekkje ymse meirbehov på andre kapittel og postar.

#### *Post 45 Store nyskaffingar*

Posten er foreslått auka med 56 mill. kroner.

Auken gjeld tilleggsloving i samband med modifisering av Forsvarets eksisterande materiell for bruk i Afrika, slik som lakking, installering av klimaanlegg og ekstra kjøle- og filterkapasitet. For å synleggjere meirkostnader til materiellinvesteringar i samband med norske operasjonar i utlandet, foreslår regjeringa å opprette ein ny post 45 på kap. 1792.

#### *Post 48 Fellesfinansierte byggje- og anleggsarbeid, fellesfinansiert del*

Posten er foreslått redusert med 150 mill. kroner grunna lågare investeringsaktivitet enn budsjettet. Det er ein parallell reduksjon på inntekts- og utgiftssida.

*Post 50 Overføring til Statens pensjonskasse*

Posten er foreslått redusert med 13 mill. kroner grunna eit mindrebehov på posten i 2007. Midlane er foreslått omdisponert til post 01 i samband med naudsynt styrking av øvinga *Cold Response 2007*.

*Post 70 Renter låneordning*

Posten er foreslått redusert med 3 mill. kroner grunna eit mindrebehov på posten i 2007. Midlane er foreslått omdisponert til post 01 i samband med naudsynt styrking av øvinga *Cold Response 2007*.

**2.2 Inntekter**

Det er registrert netto meirinntekter på 169,5 mill. kroner.

*Post 01 Driftsinntekter*

Følgjande vesentlege endringer er gjort på dei ein-skilde inntektskapitla:

**Kap. 4700 Forsvarsdepartementet**

Kapitlet er auka med 0,1 mill. kroner som gjeld inntekter i samband med utleige av Fanehallen på Akershus festning. Meirinntekta har ein tilsvarande ikkje-budsjettert utgift i 2007.

**Kap. 4719 Fellesutgifter og tilskott til føretak under Forsvarsdepartementet**

Kapitlet er auka med 6,5 mill. kroner som gjeld tilskott frå Utanriksdepartementet i samband med gjennomføring av ulike prosjekt. AMEC-samarbeidet vedrørende opphogging av russiske atomubåtar utgjer 5 mill. kroner, medan prosjektet «Forsvarsrettet sikkerhetssektorreform» (FSSR) utgjer 1,5 mill. kroner. Meirinntekta har ein tilsvarande ikkje-budsjettert utgift.

**Kap. 4723 Nasjonal sikkerhetsmyndighet**

Kapitlet er auka med 2,7 mill. kroner som gjeld næringslivets tilskott til drift av NorCERT. Meirinntekta har ein tilsvarande ikkje-budsjettert utgift i 2007.

**Kap. 4732 Sjøforsvaret**

Kapitlet er auka med 17,327 mill. kroner. Auka skuldast teknisk flytting av inntekter frå kapittel

4740 i samband med flyttinga av FLO, base Bergen, frå Forsvarets logistikkorganisasjon til Sjøforsvaret.

**Kap. 4733 Luftforsvaret**

Kapitlet er auka med 15 mill. kroner som relaterer seg til ein samarbeidsavtale med Avinor AS i samband med drifta av flyplassar. Meirinntekta har ein tilsvarande ikkje-budsjettert utgift i 2007.

**Kap. 4740 Forsvarets logistikkorganisasjon**

Kapitlet er samla sett auka med 201,873 mill. kroner.

Auken på 219,2 mill. kroner gjeld meirinntekter av teknisk karakter, og skuldast sal av drivstoff, utleige av EBA, sal av proviant og forpleiing til allierte styrkar på øving i Noreg. Meirinntekta har i hovudsak ein tilsvarande ikkje-budsjettert utgift i 2007 (194 mill. kroner). I tillegg gjeld meirinntektene sal av materiell (25,5 mill. kroner).

Reduksjon på 17,327 mill. kroner skuldast teknisk flytting av inntekter til kap. 4732 Sjøforsvaret i samband med flyttinga av FLO, base Bergen, frå Forsvarets logistikkorganisasjon til Sjøforsvaret.

*Post 47 Sal av eigeidom*

Kapitlet er foreslått auka med 76 mill. kroner. Auken skuldast i hovudsak forsert sal av bustader samt enkelte sal over takst.

*Post 48 Fellesfinansierte bygge- og anleggsarbeid, fellesfinansiert del*

Posten er foreslått redusert med 150 mill. kroner grunna lågare investeringsaktivitet enn budsjettert. Det er ein parallell reduksjon på inntekts- og utgiftssida.

**3 Bestillingsfullmakter**

Regjeringa foreslår ei intern omfordeling av bestillingsfullmakter mellom kapitla.

**Kap. 1733 Luftforsvaret**

Bestillingsfullmakter på post 01 er redusert med 160 mill. kroner til totalt 1 440 mill. kroner grunna mindrebehov på posten.



**Kap. 1734 Heimevernet**

Bestillingsfullmakter på post 01 er auka med 120 mill. kroner til totalt 150 mill. kroner. Auken skuldast eit meirbehov grunna nyskaffing av nytt og tidsriktig materiell i samband med kvalitetsreformen.

**Kap. 1760 Nyskaffing av materiell og nye bygg og anlegg**

Bestillingsfullmakter på post 45 er redusert med 100 mill. kroner til totalt 23 900 mill. kroner grunna mindrebehov på posten.

Bestillingsfullmakter på post 48 er auka med 100 mill. kroner til totalt 250 mill. kroner. Auken skuldast eit meirbehov i samband med nytt bygg til *Joint Warfare Centre*.

**Kap. 1792 Norske styrkar i utlandet**

Bestillingsfullmakter på post 01 er auka med 40 mill. kroner til totalt 50 mill. kroner. Auken skuldast eit meirbehov i samband med auka norsk deltaking i internasjonale operasjonar.

Forsvarsdepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om endringar i statsbudsjettet for 2007 under Forsvarsdepartementet.

---

Vi **HARALD**, Noregs Konge,

s t a d f e s t e r :

Stortinget blir bedt om å gjere vedtak om endringar i statsbudsjettet for 2007 under Forsvarsdepartementet i samsvar med eit framlagt forslag.

---

## Forslag til vedtak om endringer i statsbudsjettet for 2007 under Forsvarsdepartementet

## I

I statsbudsjettet for 2007 blir det gjort følgjande endringar:

## Utgifter:

Kap	Post	Formål	Kroner
1700		Forsvarsdepartementet	
	01	Driftsutgifter, vert redusert med ..... frå kr. 323 690 000 til kr. 320 799 000	2 891 000
1719		Fellesutgifter og tilskott til føretak under Forsvarsdepartementet	
	01	Driftsutgifter, vert redusert med ..... frå kr. 384 523 000 til kr. 361 403 000	23 120 000
	43	Til disposisjon for Forsvarsdepartementet, vert redusert med ..... frå kr. 20 000 000 til kr. 9 779 000	10 221 000
1720		Felles leiings- og kommandoapparat	
	01	Driftsutgifter, vert redusert med ..... frå kr. 2 057 475 000 til kr. 2 014 607 000	42 868 000
	50	Overføringar til Statens pensjonskasse, kan overførast, vert redusert med ..... frå kr. 237 400 000 til kr. 224 400 000	13 000 000
	70	Renter låneordning, kan overførast, vert redusert med ..... frå kr. 6 000 000 til kr. 3 000 000	3 000 000
1723		Nasjonal sikkerheitsmyndighet	
	01	Driftsutgifter, vert auka med..... frå kr. 103 167 000 til kr. 106 087 000	2 920 000
1725		Fellesinstitusjonar og -utgifter under Forsvarsstaben	
	01	Driftsutgifter, vert auka med..... frå kr. 2 087 782 000 til kr. 2 151 178 000	63 396 000
1731		Hæren	
	01	Driftsutgifter, vert redusert med ..... frå kr. 3 786 008 000 til kr. 3 765 002 000	21 006 000
1732		Sjøforsvaret	
	01	Driftsutgifter, vert auka med..... frå kr. 2 687 953 000 til kr. 2 713 490 000	25 537 000
1733		Luftforsvaret	
	01	Driftsutgifter, vert redusert med ..... frå kr. 3 380 741 000 til kr. 3 363 654 000	17 087 000

Kap	Post	Formål	Kroner
1734		Heimevernet	
	01	Driftsutgifter, vert auka med ..... frå kr. 1 066 269 000 til kr. 1 066 328 000	59 000
1735		Etterretningstenesta	
	21	Spesielle driftsutgifter, vert redusert med ..... frå kr. 829 103 000 til kr. 809 103 000	20 000 000
1740		Forsvarets logistikkorganisasjon	
	01	Driftsutgifter, vert auka med ..... frå kr. 2 632 508 000 til kr. 2 938 647 000	306 139 000
1760		Nyskaffing av materiell og nye bygg og anlegg	
	01	Driftsutgifter, kan nyttast under kap. 1760, post 45, vert redusert med ..... frå kr. 810 590 000 til kr. 776 590 000	34 000 000
	48	Fellesfinansierte byggje- og anleggsarbeid, fellesfinansiert del, kan overførast, vert redusert med ..... frå kr. 160 000 000 til kr. 10 000 000	150 000 000
1790		Kystvakta	
	01	Driftsutgifter, vert redusert med ..... frå kr. 830 873 000 til kr. 829 973 000	900 000
1791		Redningstenesta	
	01	Driftsutgifter, vert auka med ..... frå kr. 45 015 000 til kr. 130 525 000	85 510 000
1792		Norske styrkar i utlandet	
	01	Driftsutgifter, vert auka med ..... frå kr. 1 000 389 000 til kr. 1 151 430 000	151 041 000
	45	Større nyskaffingar av utstyr, kan overførast, vert auka med ..... frå kr. 0 til kr. 56 000 000	56 000 000
1795		Kulturelle og allmennyttige formål	
	01	Driftsutgifter, vert auka med ..... frå kr. 224 747 000 til kr. 225 747 000	1 000 000

## Inntekter:

Kap	Post	Formål	Kroner
4700		Forsvarsdepartementet	
	01	Driftsinntekter, vert auka med..... frå kr. 0 til kr. 109 000	109 000
4710		Forsvarsbygg og nye bygg og anlegg	
	47	Sal av eigedom, vert auka med..... frå kr. 354 200 000 til kr. 430 200 000	76 000 000
4719		Fellesutgifter og tilskott til foretak under Forsvarsdepartementet	
	01	Driftsinntekter, vert auka med..... frå kr. 0 til kr. 6 500 000	6 500 000
4723		Nasjonal sikkerhetsmyndighet	
		Driftsinntekter, vert auka med..... frå kr. 0 til kr. 2 700 000	2 700 000
4732		Sjøforsvaret	
	01	Driftsinntekter, vert auka med..... frå kr. 5 742 000 til kr. 23 069 000	17 327 000
4733		Luftforsvaret	
	01	Driftsinntekter, vert auka med..... frå kr. 57 467 000 til kr. 72 467 000	15 000 000
4740		Forsvarets logistikkorganisasjon	
	01	Driftsinntekter, vert auka med..... frå kr. 240 248 000 til kr. 442 121 000	201 873 000
4760		Nyskaffingar av materiell og nybygg og nyanlegg	
	48	Felles finansierte byggje- og anleggsinntekter, vert reduisert med..... frå kr. 260 000 000 til kr. 110 000 000	150 000 000

## II

*Avskrivning av differanse i Forsvarets rekneskap*

Stortinget samtykker i at Forsvarets mellom-  
vere med statskassen (gjeld til statskassen) vert  
avskriven med 363,5 mill. kroner mot konto for for-  
skyving i balansen.

## III

Stortinget samtykker i at Forsvarsdepartementet  
vert gitt fullmakt til å starte opp nyskaffingsfasen  
av prosjekt 6401 – Erstatning av *Sting Ray-torpe-  
doar* innanfor ei kostnadsramme på 1 647 mill. kro-  
ner.

## III

*Bestillingsfullmakter*

Stortinget samtykker i at Forsvarsdepartementet i 2007 kan gjere bestillingar utover dei gitte løyvingane. Den samla ramme for nye bestillingar og gammalt ansvar skal ikkje overstige følgjande beløp:

Kap.	Post	Samla ramme
1733	Luftforsvaret	
	01 Driftsutgifter, vert redusert med..... frå kr. 1 600 000 000 til kr. 1 440 000 000	160 000 000
1734	Heimevernet	
	01 Driftsutgifter, vert auka med ..... frå kr. 30 000 000 til kr. 150 000 000	120 000 000
1760	Nyskaffing av materiell og nye bygg og anlegg	
	45 Større utstyrsinnkjøp og vedlikehald, vert redusert med..... frå kr. 24 000 000 000 til kr. 23 900 000 000	100 000 000
	48 Fellesfinansierte byggje- og anleggsarbeid, fellesfinansiert del, vert auka med..... frå kr. 150 000 000 til kr. 250 000 000	100 000 000
1792	Norske styrkar i utlandet	
	01 Driftsutgifter, vert auka med ..... frå kr. 10 000 000 til kr. 50 000 000	40 000 000

---



---